

مسائل فقهیه

۱۳۲۶

درسمادنده باب عالی جاده سنده

اداره مخصوصه

جلد اول :

انظار :

مسکونه موافق آثار جدید مع المنونیه
قبول اولیور
درج ابدلین آثار اعاده اولیور

دین ، فلسفه ، ادبیات ، حقوق و علوم دین باحث هفته لاق رساله در

مؤسسه : ابوالعلا زین المابدین - ح . اشرف ادیب

درسمادنده	سنه لکی	القی آلی
ولا یاتده	۶۰	۲۰
ملك اجنبیه	۸۰	۴۰
	۸۰	۴۰

تاریخ تأسیسی :

۱۱ نموز ۳۲۴

درسمادنده نسخه سی ۵۰ باره در

قبیلدن مقوا بورو ایله کوندربلیسه سنوی
۲۰ فروش فضله آلیر

درسمادنده پوسته ایله کوندربلیسه ولایات بدلی اخذ اولنور.

عدد : ۳۳

۱۷ ربیع الاول ۳۲۷ پنجشنبه ۲۶ مارت ۳۲۵

ایکنجی جلد

[اجتهدك اطلاق و تقیید و انتساب و عدم انتساب کبی اقسام
عیدیسی-وارد . مراتب اجتهد و طبقات فقهای کرام حقنده آبروجه
برمقاله ترتیب اولونه جقدر]

ایشته خصما طرفدن حقمزده اشاعه اولونان خلاف حقیقت
شیرک بریده بوانسداد دعواسیدر . حالوکه بقای اجتهد جای بحث
وانتقاد اوله میه جغنی بز هر وقت اعتراف ایدرز . زیرا کتاب وسنه
اتباع ، مضامین شریفه سیله اعتبار وجوبه دال اولان « واتبعوا ما انزل
الیکم من ربکم ولا تتبعوا من دونه اولیاء » ، « واعتصموا بحبل الله جمیعا »
« فاعتبروا یا اولی الابصار » کبی نصوص شرعیه عمومات قطعیه اولوب
حکمیری بوتون اعصار اسلامیة اهالیسنه شامل اولدیفنی بیلیرز .

« دین مبین اسلامک بقای احکامی امر متواتر و قطعی اولمغه
کتاب اللهده کی خطابات عمومیه نک باعتبار الصیغه وقت نزولده حاضر
بولونان و باعتبار الدلالة مؤخرأ دائرة هستی به داخل اولان کافه مکلفینه
عام و شامل اولسنده اشتباه یوقدر « بیضاوی . اگر بونک خلافت ذهابله
کتاب منزله اتباع ، جبل متین و حق مینه اعتصام خصوصه دال اولان
براهین ینساکت حکمیری چوقدن زائل اولمش ، متأخرین ایچون
یالکز عبارات فقها ایله استشهاد وظیفه سی قالمش در دییه جک اولورسه ک

مشار الیه تألیفاتنده تصب مذهبیدن بحایت ، غایت منصفانه طرزده
بیان حقیقت ایله معروفدر « فتح القدر » نام اثر مبارکری شروح هدایه نک
اک معتبرلرندن اولوب کتاب الوکاله یه قدردر . قاضی زاده نک تکمله سی ایله برابر
سکز جلد اوزربنه اخیرأ مصرده طبع اولوندینی علم فقه منتسبلرنجه معلومدر .
« تخریر الاصول » ده شرحله برابر طبع اولونمشدر . تألیفاتنده کی مساک متخذی
شهادتیه ارباب اجتهددن اولدیفنی آشکاردر . « ابن نجیم » رح بحر رائقده
احکاب ترجیحن اولسنی تصریح ایشدر . هر حالده مجتهد مطلقک منتسب
قسمندن اولسنده شبه یوقدر . رحمه الله سبحانه

باب اجتهد مسدود میدر !

مقالات سالفه مزده بالاطراف ایضاح واثبات ایله دیکمز وجهله
مسدود دکدر و اوله ماز ، خلافتی ادعایه قیام معناسز و بی لزومدر .
بویوزدن مذاهب اهل سنتک برینه ضربه ایندرمک محال اندر محالدر .
قرن رابع و یا خامس حدودنده انسداد وقوعنی عظمای اهل
سنتدن بر فرد ادعایتمش دکدر . یالکز اجتهد مطلق اهلیت و شرائطی
جامع ذوات ظهور ایتدیکندن مفقودیتنه قائل بولنیورسده بودخی
قول مجرددن عبارت قلمشدر . علی الاطلاق مجتهدین کرامک هر
عصرده موجودیتی . بالجمله علمای مذاهب نزدنده مسلم بر حقیقت
نابته در .

مقاله آتفه ده مثال اوله رق ائمه شافعیه دن اجتهد مطلق مرتبه سنه
ایرن بعض ذواتی ذکر ایتمشیدک . ائمه حنفیه مزدن « فتح القدر »
و « تخریر الاصول » کبی تألیفات جلیله صاحبی محمد کمال الدین ابن
الهام سیواسی رحمه الله که ده اول مرتبه بالاترینه و صولی متأخرین نزدنده
بالاتفاق مسلمدر . مشار الیه حضرت تریسک « ۸۶۱ » سنه سنده قاهرده
ارتحالی مضبوطدر . [۱]

[۱] « سیواسی » عنوانی بدرلرندن مورددر . چونکه موی الیه سیواسده
خلی مدت حاکمک ایش ، مؤخرأ قاهره یه کیده رک اوراده و اسکندریه ده
قضا ایله اشتغال ایش و بخدومی محمد کمال اوراده « ۷۸۸ » سنه سی اثاسنده مهدشوده
کلمشدر .

اولا بدرندن بعده مشاهیر مصرندن اخذ علوم ایله عقلیات و شرعیات
وادبیاتده مشر بالبنان اولمشیدی .

جلال الدین سیوطی مرحومک « بقیه » سنده ویردکی تفصیلانه نظراً
نشر و تعلیم و تألیف ایله کثرت اشتغال لریله برابر کشف و کرامات ایله ده مشهردر .
مع هذا فن موسیقیده مهارتی ده قید ایشلدر .

عمومات مذکوره بی خود بخود تخصیصه اجتناسار ، ظواهر نصوصه تمسکدن بیه اعراض واستکبار ایتش اولورز . بویله بر کریمیه صامق تسویلات شیطانیه قایلیمق دیمک اوله جنی بدیدارد .

بوخالده بوتون احادیث رسولی وقوانین مقررہ اصولی ده مهجور ایدرک علی العمیا وادی تقلیدده قالمق اقتضا ایدر . بونک نه قدر بویوک غفلت ، نه یمان قصور همت اوله جنی تقدیر ایتز دکاز . علمای راسخینمز هیچ بر دورده بومسلک باطله ذاهب اولامشدر ، علی الدوام مدونات تفسیر وحیدی باکال اهنام تدریس ومطالعه ایله اشتغالده بولمشدر .

بو اشتغالدن مقصد اصلی احکام الهیه وقوف واطلاع اولسه حصر اوقات ایدلمزدی . بوحقائق قطعیته اصلا شبهه یوقدرو اوله ماز . فقط بوندن طولای مذاهب اهل سنته خلل طریانی قابل دکدر . زیرا مأخذ احکام اولان آیات واحادیث ایکی قسمه منقسمدر :

(قسم اول) ظواهر نصوص ومحکمت کتابدرکه بونلرک هربری هرکلف اوزرینه حجت قاطعه وینه واضحه در . بوباده مجتهد ومستدل ومقلد آره لرنده بر فرق تصور اولونه ماز . بوقسمک حجتی انکار باعث اکفار اوله جنی آزاده تذکاردر . بوتون علمای امت وفقهای مات رد نصوصک کفر صریح اولسنه اجماع ایتمشدر . بناء علیه دنیاده یوزبیک مجتهد بولونسه بونلرک خارجه چیقامازلر . « احکام اسلامیة واجتهاد » عنوانی اولان مقالات سالفه مزده افاده اولوندینی اوزره احکام اسلامیة نک اسالاس اوله جق طاقی قرآن کریم ویا احادیث صحیحده بوجه صراحت مذکور واجماع امت ایله ثابتدر . بونوع حکملرده هر مسلم هانکی مذهب وطریقه سالك اولورسه اولسون طوغرودن طوغریه کتاب وستنه متابعتله مأمورددر . بونلرک اجتهاده جهت تعلقلری یوقدر . « اما ظاهر کتاب وستله ثابت اولیان حکم ، اجماع طریقیله ده بیانیه جک اولورسه اول وقت اهل وارباب اولانلره اجتهاد واعتبار ، مسکوت غنی - علت مطرده ایله - منطوق به الحاق ویا طریق آخرایله استنباط واجب اولور . تقلیده مضطر قالانلرکده اولنره مراجعتله تعلم ایتملری اقتضا ایدر »

(قسم ثانی) علم اصولده « خفی ومشکل ومجمل » تسمیه قلنان اقسام نظم ایله تخصیص احتماله معروض اولان صیغ عموم واطلاق وتقیید ویا جهت اخری ایله متعارض بولونان دلائل شرعیه درکه بونلر ایله استدلال ارباب فقه واجتهاد واصحاب نظر واستنباط اولانلرک خصائص عالیه سنددر .

زیرا خفی ایله مشکلك ایضاحی ، مجمل حقنده قولاً ویا فعلاً وارد اولان بیانات شارعک تعیینی ، كذلك عامک تخصیصی ومطلقک تقییدی ، تعارضک دنی حقنده معتبر اولان شرائطک تدقیق ولدی الایجاب بطریق - القیاس فروغک اصوله الحاق احکامه دائر بوتون آیات واحادیث احاطه ایله برابر قواعد مقررہ اصولیه تطبیقاتنده احراز ملکه کامله وایسته در . محض رحمت عد اولونان اختلافات مذاهب ایسته هپ بونقطه ده دائر

اولوب بوندن طولای هیچ بر فرد آخری تکفیر وتضلیل حق وصلاحیتی حائز دکدر . بلکه هر مجتهد وسع وطاقی درجه سندده ابراز مسامحی ایلدیکی تقدیرده عند الله وعند الناس مصیب اولور ؛ وخطاسی تبین ایدرسه معذور عد اولونور ، ینه اجره استحقاقی بولونور . بوکا دائر پک چوق احادیث صحیحه وارد اولمشدر .

الحاصل باب اجتهادک کشاده بولمشندن بزدره قدر تلاش ایتمز . بوندن طولای مذاهب مدونه ده مقرر بولونان مسائل شرعیه مزه خلل کلیه جکمه ایتز . بالعکس عالم اسلامیته فوائد کلیه تأمین ایده جکمه امید واررز .

اوت ! بوکون بیکلرجه مجتهد بر آرایه کلسه مذاهب اربعه جه بالاجماع قبول ایدلمش بولونان بر مسئله بی تغییر وتبديل ایده مزلر . یالکز مسائل خلافیه ده ناسه ارفق اولانلری ترجیح صلاحیتی حائز اولورلر ، برده بوجه صراحت مذکور اولیان احکامی قیاس ایله اورته قویه بیلیرلرکه بونلر ذاتاً عین مطلوبمزددر .

نصل که من القديم ظهور ایدن ارباب اجتهاده بوندن باشقه تأثیر کوستره مشلدر .

بوخالده محیب فاضلک بیوردینی کبی باب اجتهادک دعوای انسدادینه قیام محض شرع شریفک احتیاجات متنوعیه عدم کفایه سنی ایهام وبرچوق امور تجارتک پسمانده قلمسی کبی نتایج مضره بی التزام دیمک اوله جنی وارسته اعلامدر . بویسه آچیقندن آچیفه دوراستبداده طرفدار اولانلرک کار مردودیدر . شریعت محمدیه ده دوستلق دکل .

مناسبتی : اسماعیل رفی

نجائب قرآنیہ

سورہ حجرات آیت - ۱۲

« یا ایها الذین آمنوا اجنبوا کثیراً من الظن انه بعض الظن اثم ولا نجسوا ولا یفتن بعضکم بعضاً یحب اعدکم انه یا کل لحم ایه مبتأ فکد هتموه وانفروا الله انه الله فواب رهیم »

ای ایمان ایدنلر ظنک بر چوقندن اجتناب اوزره اولک [بعض کثیر الوقوع ظنلر وارددر ، آنلردن حذر ایدک وطن خصوصنده غایتله احتیاط ایدوب برظنک نه قبیل ظنلردن اولدینی تبین ایتدکجه صاقین اوطنه اتباع ایتیک] . بعض ظن اثمدر [بعض ظنلر واردرکه کنساهددر ، اکا اتباع ایدن مستحق عقاب اولور . بوقبیل ظنلر کثیر الوقوعدر . مؤمنینه ظن سوء بوقبیل ظنوننددر] وتجنس ایتیک [بواطن اموری تحریر ایله میک ، عورات ومعایب مسلمینی تتبع ایله آنلرک ستر ایلدکلی احوالی کشفه جالشمیک . بری بریکزک عیوبی آراشدیرمیک] وبری بریکزی غیت ایله میک [بری بریکزی غیابنده مساوی ایله ذکر ایتیک ، ارقه کزدن بری بریکزی چکشدیرمیک] .